



Republika e Kosovës

Komuna e Drenasit
Komiteti Konsultativ për Barazi Gjinore



02 Nr. 052/01-60996 dt. 20/12/2023

**Raporti vjetor i punës së Komitetit Konsultativ për Barazi Gjinore për vitin
2023**

Janar - Dhjetor, 2023

Hyrje:

- Anëtarët e përzgjedhur të Komitetit Konsultativ për Barazi Gjinore në Komunën e Drenasit gjatë periudhës **Janar- Dhjetor 2023**, kanë organizuar dhe mbajtur mbledhjet sa i përket këtij komiteti.

Gjatë periudhës Janar-Dhjetor 2023, **KKBGJ** ka mbajtur disa takime, të cilat përpos diskutimeve në fund të secilit takim ka rezultuar një rekomandim drejtuar institucioneve përkatëse dhe komunës në Drenas (Gllogoc).

Në secilin takim janë shqyrtuar pika të veçanta dhe rendi i ditës ka qenë specifik për secilin takim të mbajtur. Secili takim është shoqëruar me proces verbal dhe raportimin adekuat.

Paraqitja e detajuar e shqyrtimit të pikave të rendit të ditës në mbledhjet e mbajtura të Komitetit për Barazi Gjinore gjatë periudhës janar-dhjetor 2023

Janar, 2023

Mbledhja e parë e rregullt e Komitetit Konsultativ për Barazi Gjinore është mbajtur me **datën 13.01.2023**, ku janë shqyrtuar **(3)** tre pika të diskutimit dhe me këtë rend të ditës. Pas mbledhjes është përgatit raporti dhe rekomandimi i KKBGJ-së.

1. Planifikimi i takimeve të KKBGJ-së përgjatë vitit 2023.
2. Shqyrtimi i mundësisë së kycjes së grave të pakualifikuara në tregun e punës ose kycja e tyre në aktivitete shoqërore jashtë shtëpisë.
3. Të ndryshme.

Rekomandimi i mbledhjes së parë është:

Komuna e Drenasit, qoftë si punëdhënëse, qoftë si organizues i mundësive për punësim duhet të gjej mënyra për hapjen e mundësive për punësim duke rritur interesimin e grave dhe burrave për punë në sektorë të ndryshme përmes organizimit të trajnimeve/kurseve profesionale.

Ky rekomandim bazohet në ligjin për barazi gjinore Ligji Nr. 05/L-020, neni 17, pika 1.8, ku thuhet se punëdhënësi/ja duhet:

“të sigurojë që femrat dhe meshkujt të kenë mundësi të barabarta për të vazhduar shkollimin dhe aftësimin profesional dhe të përcjellin trajnimet të cilat mbahen për të shtuar shkathtësitë profesionale ose të përgatiten për profesione të tjera”

Mbledhja e dytë e rregullt e Komitetit Konsultativ për Barazi Gjinore është mbajtur më: 06.03.2023, ku janë shqyrtuar (2) dy pika me këtë rend dite dhe nga ky takim po ashtu është nxjerr një rekomandim. Pas mbledhjes është përgatit raporti dhe rekomandimi e KKBGJ.

1. Siguria e lëvizjes në hapësira publike
2. Të ndryshme

Rekomandimi i mbledhjes se dytë është:

Qeveria lokale të sigurojë hapësira për lëvizje të sigurte të grave dhe vajzave, gjithashtu duhet të ndriçoj të gjitha zonat publike dhe të identifikoj zonat e pasigurta të lëvizjes së grave dhe vajzave në mënyrë që gratë dhe vajzat të ndihen të sigurta për të udhëtuar për në punë ose në aktivitete të tjera gjatë natës dhe mëngjeseve të hershme.

Ky rekomandim bazohet në (LIGJI Nr. 05/L -020 PËR BARAZI GJINORE), ku sipas nenit 3, pika 1.10 “Mundësi e barabartë - nënkupton sigurimin e pjesëmarrjes së plotë dhe të barabartë meshkujve dhe femrave në të gjitha aspektet e jetës politike, sociale, kulturore, arsimore, ekonomike dhe fushat tjera të përcaktuara me këtë ose ndonjë ligj tjetër.”

Mbledhja e tretë e rregullt e Komitetit Konsultativ për Barazi Gjinore është mbajtur më: 08.05.2023, ku janë shqyrtuar (2) dy pika me këtë rend dite dhe nga ky takim po ashtu është nxjerr një rekomandim. Pas mbledhjes është përgatitur raporti dhe rekomandimi i KKBGJ.

1. Përkrahja e grave shtatzëna dhe me fëmijë të vegjël në punësim
2. Të ndryshme

Rekomandimi i mbledhjes se tretë është:

Komuna e Drenasit të ndërtoj plane dhe strategji për luftimin e dukurisë së mospërkrahjes së grave shtatzëna dhe me fëmijë të vegjël në punësim. Kjo dukuri mund të luftohet qoftë përmes fushatave vetëdijesuese, qoftë përmes bashkëpunimit me firmat private dhe entit të punësimit, apo edhe duke inkurajuar firmat tatimpaguese që të punësojnë këto gra.

Ky rekomandim bazohet në (LIGJI Nr. 05/L -020 PËR BARAZI GJINORE nenit 3, pika 1.10).

Mbledhja e katërt e rregullt e Komitetit Konsultativ për Barazi Gjinore është mbajtur më: **05.09.2023**, ku janë shqyrtuar (2) dy pika me këtë rend dite dhe nga ky takim po ashtu është nxjerr një rekomandim. Pas mbledhjes është përgatitur raporti dhe rekomandimi i KKBGJ.


1. Zbatimi i LIGJIT Nr.05/L -020 Për Barazi Gjinore, në rastin e emërimit të institucioneve, shkollave e rrugëve.
2. Të ndryshme

Rekomandimi i mbledhjes se katër i është dërguar Komisionit për Emërtimin e Rrugëve
Të kenë parasysh LIGJI Nr. 05/L -020 PËR BARAZI GJINORE, për emërtimin e rrugëve.

KKBGJ-ja jep rekomadin Komisionit për Emërtimin e Rrugëve të komunës së Drenasit që ta këtë parasysh ligjin Për Barazi Gjinore dhe që për emërtimin e rrugëve të bazohen edhe në këtë ligj, përkatësisht në **Neni 5 pika 1.9, te Ligji Nr. 05/L-020.**

1.9. “të marrë parasysh barazinë gjinore në rastin e emërimit të institucioneve, shkollave e rrugëve”.

Vendi i ynë ka vajza- heroina të shumta të cilat kanë jep kontribut të madh për vendin tone dhe emrat e të cilave e meritojnë të jenë edhe prezentë në emërtimet e rrugëve tona.

**Kryesues i KKBGJ**

Arton Hasani